

欽定剿平三省邪匪方略

欽定剿平三省邪匪方略正編卷三百十一

壬戌年

四月初五日_己吳熊光全保長齡奏言竊王曾

樊崔各逆經孫清元等緊蹙追擊_臣全保長齡

由大小西河一帶向南抄截適據竹谿縣徐如

瀨稟報該境零匪現又合爲兩股一股約二百

餘人竄往紅茨溝一股約三百餘人竄往廣龍

灘俱有東向之勢等語_臣全保長齡查該匪等

既向東來若再與王曾等逆會合人數增多剿辦益形費手必須分兵剿除當卽派撥

臣

全保

一路之總兵德昌帶兵一千餘名隨同

臣

長齡

抄截王曾大股與孫清元吉林泰等兩路夾剿

臣

全保帶領兵勇一千餘名就近馳赴紅茨溝

等處以次搜捕二十三日行抵紅茨溝探聞該

匪已竄蜡洞溝相距二十餘里尙在各民房四

散屯住此等零匪最爲狡猾一聞兵至卽飛奔
老林伏匿必須乘其不備方能得手當派原任
都司候補守備鄧興相把總張朝鳴首領康懋
驥等挑帶精銳兵勇於四更時乘月潛蹤進發
五更行至蜡洞溝各匪正在民房熟睡鄧興相
等督率兵勇分投圍住拋擲火彈各屋一時火
發賊匪猝不及防避火亂竄經我兵刀矛齊舉

立斃五十餘名鄧興相首先擒獲老教首郭士
連一名六品軍功康懋驥擒獲僞先鋒袁三甲
一名兵勇生擒賊匪三十一名查點各房屋燒
斃屍身六十餘具散出大小男婦五十餘名尙
有賊匪二十餘名四散亡命奔逃經團練委員
王炳輪董率寨首馬昌源帶領義勇四路攔剿
內有龍家寨首領陳正元殺死僞總兵李中先

一名隨提訊郭士連據供我係四川達州人嘉慶元年與冉文儔冉添元同時起事後來冉文儔們被官兵先後殺了我又與樊人傑合夥上年四月樊人傑在陝西地方被官兵打散我同總兵賴應舉帶了一二百多人逃入川陝老林我就讓賴應舉爲元帥李中先爲總兵袁三甲爲先鋒今年春竄到楚境要與樊人傑合夥二月

二十三日來到蟠洞溝我與賴應舉同房住歇
不料官兵圍住放火我逃出被拏賴應舉想已
燒死等語當將郭士連袁三甲樹割處死旗手
矛手一併正法散出大小男婦分別遞籍安插
此股零匪二百餘名已殲獲無遺在事出力首
領鄉勇人等_臣全保當卽酌量分賞銀牌面加
鼓勵_臣全保仍卽督率將備等前赴廣龍灘一

帶探蹤搜剿

臣

長齡帶領官兵於二十五日抄

至關山地方是日雲霧瀰漫聞各寨鎗礮之聲

絡繹不絕自必賊已竄到當派勇四路偵探據

報王曾大股行至大團包乘霧向北折竄現在

太平寨山下房屋內做飯等語

臣

長齡恐賊知

覺當挑趨健兵勇一千餘名派交遊擊王占鰲

金洪嗣等帶領掩旗先進直至相離民房不遠

始見賊匪兵勇一擁直前該匪不知官兵多寡
猝不及防大形慌亂紛紛奪路奔逃我兵迎頭
截殺立斃三十餘名其餘賊匪四散分奔我兵
分投追擊又斃賊七十餘名生擒二十四名該
匪等皆搶上大山負嵎拒守惟時霧雨愈大不
能仰攻臣長齡恐該匪乘霧由司馬崗東奔當
令王占鰲等卽在太平寨暫紮堵截併派總兵

德昌等帶領官兵由司馬崗左手順梁前進

臣

長齡親率侍衛富翰等帶領馬步官兵由司馬

崗右手山梁前進兩路官兵俱至山頂該匪一

見官兵卽回身狂奔我兵乘勢下壓斃賊八十

餘名賊匪滾崖者甚多當又追趕十數里沿途

擒獲賊匪十二名各匪竄過對面山梁有向西

南王家山之勢因天色已晚恐墮賊奸計不便

窮追計兩次斃賊一百八十餘名生擒三十六
名散出難民七十餘名當於獲賊內訊出陳尙
興等十九名俱係矛手并據指出王占鰲一路
殺斃賊匪內有偽總兵彭古英偽先鋒張有大
總旗首李富屍身二具並據陳尙興等供稱現
在王曾樊戴崔胡各股湊合共有三千人內中
真正教匪矛手不過一千人其餘多是被裹老

幼婦女餘無要供當各正法其被裹未久同散

出難民一併贖送回籍

臣

長齡現卽探明賊蹤

緊追前進一面知會孫清元等間道抄截以便

兩路夾攻易於得手再

臣

吳熊光提訊獲犯秦

尙典陳希明據供聽聞跟隨樊人傑的人說今

年要有新白蓮教出世纔好若沒得新白蓮教

他們不中用了並未聽見樊人傑說荆江南岸

還有後起的白蓮教等語是日前獲犯所供樊
人傑以楚省南岸尙有伏而未起習教之人自
係樊逆故令伊黨布散謠言希冀地方官紛紛
查拏又如元二兩年之激成事端可以添其羽
翼臣已疊飭施南宜昌各府總當處以鎮靜斷
不可妄拏無辜株連牽累墮賊術中目下辦理
之法惟有速將各股賊匪上緊撲滅奸徒目無

由心生反側而欲求賊勢速滅必須兵力充足
此時附近各省既無兵可調且皆係新兵調亦
不能得力川陝現有官兵是否可以多爲抽撥

臣亦未能深知如帶兵大臣因賊匪現多竄入

楚省意欲就楚聚殲則楚省兵數頓增糧餉必
須預爲籌備再據副將蔣觀濤孫應奉稟稱奉
派帶領兵勇一千五百名前往興歸一帶剿辦

闖入川匪沿途詢之逃出難民人等稱此股賊
匪係陳井冉三姓爲首尙有王四貓子餘黨在
內賊營中連婦女幼孩共有二三千人初聞德
叅贊帶兵前來追趕所以逃到楚省興歸地方
暫在老林左近紮營後來又聞德叅贊並不來
楚追剿可以放心出去掠食口內已竄至興山
之黃連坪一帶屯紮搶掠該副將等現由東北

向西南相機截剿等語

臣

查蔣觀濤等所帶兵

勇本屬單薄僅可暫時顧住東北不使狂奔腹
地究未能直入痛剿該匪等日久屯紮未免裹
脅漸增適奉

諭旨以穆克登布調補湖南永州鎮總兵並令帶兵
來楚協剿擬俟該鎮到日卽酌分總兵一員抽
帶官兵前往幫同蔣觀濤等剿辦以昭慎重再

自去冬以來川陝鄉勇紛紛來楚其中多係籍隸四川之人據稱因川省不得鹽糧赴楚覓食提臣長齡向臣密商若不量爲安頓必致從賊只好擇其與兵勇認識者酌量隨營給與口糧羈縻安頓奏入

上命軍機大臣傳諭吳熊光曰此次全保帶領兵勇追剿零匪將郭士連袁二甲等匪二百餘名殲獲

無遺長齡帶兵趕剿王曾大股先後斃賊一百八十餘名生擒三十六名散出難民七十六人所辦尙好現在樊王曾戴崔胡各股湊合共有三千多人其興歸一帶陳井冉三逆及王四猫子餘黨共有二三千人是楚省境內各股賊匪統計不過此數且其中婦女幼孩居多無難以次肅清前據吳熊光查奏荆江南岸並無伏而未起教匪茲又據

獲賊秦尙典等所供並未聽見南岸還有未起白
蓮教等語自係楚人傑故令伊黨散布謠言希冀
煽動吳熊光所稱處以鎮靜祇將各股上緊撲滅
奸徒自無從心生反側所見甚是樊逆一除謠言
自息矣至興歸等處賊匪聞德楞泰帶兵前來卽
在老林內藏匿嗣聞德楞泰並不來楚始出山掠
食可見該逆畏懼官兵勢已窮蹙蔣觀濤孫應奉

等兵力較單雖難盡令殲除淨盡但必須實力堵禦無任該匪東竄以待德楞泰帶兵前來兩面夾擊爲一鼓掃除之計至德楞泰帶兵入楚糧餉最關緊要前已不待天熊光等奏請撥江西捐監銀十萬兩解楚備用軍儲已爲充裕倘尙有不敷不妨再行奏請總當源源接濟俾無缺乏又據奏接奉諭旨准將穆克登布調補湖南永州鎮總兵並

令帶兵來楚等語。前將穆克登布調永州鎮時。原以該鎮如無專剿之賊。即可赴楚。並未令其將防堵之兵帶赴楚省。此時穆克登布在平利一帶堵截楚省竄匪防陝。卽所以爲楚。况經畧額勒登保將苟逆逼出南山。日內如已剿淨。卽可令穆克登布帶令湖北湖南官兵赴楚。額勒登保亦卽移駐穆克登布現在防守之平利一帶。與楚省遙爲聲

援吳熊光不患無大兵接應也再川陝鄉勇紛紛
投楚或係二省陸續裁撤亦未可知吳熊光自當
酌給口糧暫爲羈縻並密爲防閑毋令滋事爲要

初九日

巳酉

勒保奏言查張長青陳自得二股殘

匪竄向夔州一路正值蔡贊德楞奏帶兵東去
當卽分兵兜剿惟張簡宋國品二股尙在東開
之間奔竄而豐城普光寺一帶亦時有剿散餘

匪是以飭令副都統銜達斯呼爾岱與副將羅
聲臯等帶兵由大成寨取道後河總兵張績帶
兵由七里峽取道前河偵探賊蹤趕緊剿辦達
斯呼爾岱於二十二日行抵胡家場探得寨子
山地方有賊匪一股在彼滋擾卽帶兵向後河
貓兒渡進剿值河水漲發紮筏過渡正欲向寨
子山進發適據該境寨民報稱賊匪聞有官兵

已由黃金坪向青石子一帶竄去達斯呼爾岱
等帶兵馳往於二十四日辰刻在太平壩趕及
賊尾箭斃賊匪六七名賊匪亡命狂奔達斯呼
爾岱遂與羅聲臯等帶領兵勇分投追趕七八
十里沿途斃賊四十餘名生擒三十四名搶獲
騾馬長矛至馬板溪地方賊匪分作兩股一股
竄走豐城一股竄走砲通山維時天色已晚官

兵一晝夜行一百五六十里不得不稍予休息
當卽在蝦蟆口暫紮查訊活賊據供此係張簡
一股賊匪前在梓潼廟剿散後共剩三百多人
近日又湊合湯思蛟股內餘黨一百多人各處
逃竄等語訊明後卽將各犯正法次日仍探賊
蹤跟剿行至修山壩探得竄匪在前而樟木溝
內藏匿乘賊不知四路兜圍賊匪見官兵猝至

奪路奔逃我兵箭射矛戳及追逼滾崖跌斃者
約共有五十餘名生擒旗手李大砲并戰手等
二十一名搶獲賊旗長矛短刀等物此股賊匪
業被我兵搜捕淨盡並無一名漏網其張簡竄
往何處尙未探有確蹤臣現在仍飭達斯呼爾
岱羅聲臯等趕緊探剿其張績一路官兵二十
四日行抵鹿坪壩探得王家坪地方有賊匪一

股約一百餘人騾馬數十匹在山梁高處潛匿
張績當卽督率官兵跟剿申刻行至雙龍橋將
兵勇暫紮三更後起營分兵三路叅將桂涵帶
領鄉勇由右手山梁壓下都司馬明德傅廷標
帶兵由左手山梁抄截張績督率官兵從中路
仰攻四更後月色初上我兵行抵王家坪乘其
不備一擁而上鎗箭齊發殺斃賊匪五六十名

滾崖跌斃七八人生擒男賊五十四名賊婦三
口搶獲賊旗刀矛騾馬甚多將全夥賊匪剿捕
淨盡查訊活賊內有賊首張學武一名原係湯
思蛟股內賊目近日帶領百餘人分路逃竄又
劉梁氏一口係嘉慶二年被擄入營僞總兵苟
文富姦佔爲妻近因苟文富逃散該氏卽隨張
學武一路行走其餘或係戰手或係難民張績

就近一并解送開縣審辦又據建昌道劉清遊
擊馬績恒慶稟報該道等探剿顏中考魏洪升
一股殘匪先在雲霧山竄匿經兵勇轟出老林
復竄赴通江劉家營一帶奔竄馬績恒慶等帶
兵跟追行抵猫兒寨賊匪正從溝內奔竄官兵
從山巖直下衝殺斃賊三十餘名逃出難民三
名奪獲賊旗刀矛等物餘匪向殷家溝一路竄

去外委江順奮勇爭先猝被矛傷陣亡此股張
魏餘黨賊數亦只有一二百人惟所剩均係襄
陽老賊劉清等追剿日久未能得手賊情較爲
狡猾現在豐紳已帶官兵二千餘名前往川北
聲威壯盛臣已寄信囑令由巴州廣元一路取
道兜截務期先將此股就地殲除毋任竄過陝
境又據巴州稟報有零匪二股每股約有二

百人一係陳朝觀餘黨一不知姓名均無首逆
在內昨竄至該州油坪寨草壩場等處經千總
陳安邦率領兵丁督同各寨團勇截擊斃賊十
餘名該匪等分路逃竄一股竄向通南地方一
股竄向東太地方臣現已札知豐紳達斯呼爾
岱張績等將北竄通南之賊卽由豐紳帶兵迎
擊南竄東太之賊卽由達斯呼爾岱張績帶兵

迎擊斷不致蔓延滋擾至東甌一帶剿剩張宋
等股殘匪以及豐城普光寺等處零賊統計不
及千人臣督催各鎮將趕緊搜捕無難以次辦
淨至張長青一股近據夔州府文武稟報該匪
竄至大昌地方經達勒精阿武隆阿并七十五
等帶兵截擊斬獲甚多計餘匪所剩無幾現在
德楞泰就近督剿定可卽日殲除此外現無另

起大股之賊竄入川境至零星竄匿餘匪節據
各州縣稟報經辦理團練之委員督率兵勇隨
時搜捕擒殺數名至一二十名者甚多辦理頗
爲認真似不久可望肅清至從前陸有仁所奏
通江有兩股賊匪一股三四百人竄至兩河塘
一股千餘人竄至香爐山自卽係張簡股匪此
外實無如許大股賊匪但川北與陝境在在毗

連賊匪往來奔竄事所常有亦不可不預爲防
範臣現已寄信豐紳囑其就近分派弁兵常行
偵探並嚴飭沿邊州縣令其於所管境內如有
賊匪竄入隨時稟報再委員杜茂材係達州人
安徽候補州判於嘉慶元年解餉來川維時正
值教匪滋事該員誼切同仇告留在籍屢經召
募鄉勇防堵禦賊打仗甚爲出力近又派令辦

理達州團練事務更能實心經理井井有條茲
復訪出假充教匪之士賊二十餘名全數弋獲
並無一名漏網實屬能事急公卽日軍務完竣
該員應仍赴安嶽候補可否仰懇

聖恩准其卽以知縣補用之處出自

鴻施奏入

上命軍機大臣傳諭勒保曰此次各路將領分投剿

辦零星賊匪俱有斬獲達斯呼爾岱所剿張簡一
股既據獲賊供稱該逆前在梓潼廟剿散後共剩
三百多人又湊合湯思蛟餘黨一百多人通計共
有四五百人而在樟木溝殲擒跌斃者祇有七十
餘名何得云此股賊匪業經剿盡並無一名漏網
摺內聲敘殊欠明晰又蹈從前虛報功績之弊想
張簡剿敗後帶同殘匪向他處竄逸勒保仍應督

飭達斯呼爾岱等跟蹤追剿趕緊殄除勿任他竄
看來川省散竄之賊勢已殘敗摺內旣稱不久卽
可肅清必應分飭領兵將弁等掃除淨盡勿留餘
孽其川北一帶零匪勒保已札令豐紳張績等一
手剿辦並當隨時留心防堵邊界設苟未股匪被
額勒登保等逼剿緊急由棧道折竄入川豐紳等
正可與陝省官兵會合兜剿斷不可令賊闌入川

境現在德楞泰由界嶺向東北前進倘賊匪竄入
楚境德楞泰卽須跟蹤前往所有川東一帶零賊
勒保亦當酌量情形分飭將領趕緊搜捕并嚴防
楚省邊界之賊勿令折回爲要至川省零匪辦完
後所調各省客兵自應酌量裁撤或竟撤回原省
歸伍或分撥陝楚隨營協剿著勒保咨商經畧安
爲籌辦至分發安徽州判杜茂材節次堵剿賊匪

均屬出力近又幫辦達州團練等事實心經理茲
復將假充教匪之土賊二十餘名全數弋獲甚屬
能事卽日軍務完竣該員應仍赴安徽候補杜茂
材著加恩以知縣陞用遇缺卽補以示獎勵至此
次打仗陣亡之外委江順著咨部賜卹

同日惠齡奏言

臣

馳回滂峪後飭催楊芳督率

兵勇乘勝搜捕旋據該鎮稟報剿逆餘匪經前

次剿敗之後奔入老林又復聚集六七十人晝
伏夜出適楊芳前派之千總胡夕秀軍功伍敏
等尋蹤搜至賊匪在林內窺見又翻上懸崖大
山站踞山頂鎗礮不能擊及胡夕秀等當令六
屈軍功劉泰吳興國等攀藤附葛奮力搶上刀
砍矛戳立斃賊匪十餘人賊匪情急跳崖滾坡
而逃又跌斃十數人奪獲長矛二十餘桿割取

耳記十二副餘匪由滴水溝一帶沿途聚集打散之賊連夜東竄孝義屬之紅廟河等處楊芳緊躡追剿前往叅將李英多亦已抄至東面紗羅帳陳家溝一帶截擊五正在拔營向東探蹤堵截間又據探報苟宋大股之賊經扎克塔爾等晝夜緊追該匪東竄至蓮花寨屯聚正在圍攻寨堡扎克塔爾等帶兵於二更起身前往趕

至該處賊匪猝不及防官兵一齊撲殺殲斃數十人賊匪紛紛鑽入老林潛遁夜深昏黑之際乘勢逃出難民甚多現在該匪已竄至碾道秋木巷一帶距澇峪口不遠

臣

恐該匪被剿情急

突出平原自以先防大股之賊爲急一面飛飭楊芳督催兵勇迅速搜剿務須於三五日內將此股殄除淨盡騰出兵力即可協剿苟宋大股

之賊臣仍在澇峪一帶防苟宋等逆北竄刻下

扎克塔爾由東嶽廟一帶跟追楊遇春抄從八

里坪一帶截擊經畧額勒登保亦由大蘭小蘭

等處督剿前來一經轟出老林無難迅期得手

再提督慶成所辦川省竄入寧羌畧楊之賊僅

剩二十餘人竄至黑河內之棧巴林距甘境不

遠經防守甘境之道員朱爾漢遊擊七十九帶

兵搜剿賊匪在東溝腦老林內半山峭壁之下
遙見兵勇撲上擲石抗拒打斃鄉勇張奇等五
名鄉勇首領穆德首先冒石搶上半山兵勇相
繼而進連斃賊匪九人生擒一名搶獲長矛十
七桿餘匪俱滾跌深澗並令活賊馬榮於賊屍
內認出頭目丁見南一名馬榮卽係丁見南徒
弟隨卽一併正法是此股零匪業經辦竣慶成

因聞川省張魏餘匪數百人又竄入寧羌邊界
已過棧西卽酌留官兵交守備李如緒在畧陽
一帶搜山慶成自帶馬步官兵連夜折回寧羌
截剿奏入

上命軍機大臣傳諭惠齡曰劉永受本屬零星奔竄
餘匪此次經楊芳等帶領兵勇奮力追擊殲斃賊
匪數十人所剩諒已無多不難卽日掃除惟苟宋

二逆人數較衆亟應上緊剿辦該匪經官兵轟逼將次出山惠齡現在涉峪一帶防堵若該匪業經轟出應卽督兵協力剿捕以期一鼓成擒毋任再有他竄一經擒獲苟文明卽加緊馳奏以慰廑注至張魏餘匪竄至寧羌本日據勒保奏川北張魏餘匪只有二二百人是現竄寧羌邊界之賊尙係由川北分出並未全行竄陝該匪僅止數百人諒

無難尅期撲滅但恐竄入老林與苟逆等合夥難
於剿辦慶成現已帶領馬步官兵折回寧羌截剿
惠齡務當轉催慶成速將張魏餘匪悉數殲除勿
任輾轉奔逃蔓延爲要

十一日 辛亥 額勒登保奏言 臣 督率各兵由東嶽

殿抄往西南探蹤進擊接據扎克塔爾格布舍
等稟報賊匪於二十五日由黃草坡東河杜家

墳一帶奔竄扎克塔爾等趕抵小王澗距賊不遠惟該處山險溝狹馬不能行遂卽挑派步隊兵勇令遊擊李東宣等帶領乘夜潛襲賊營詎賊匪係於各山坡四散屯劄我兵趕到該處甫及動手一處驚喊處處皆零星奔逃當經兵勇殺斃十四名生擒十一名該匪遁入安溝老林潛匿扎克塔爾等將所獲各犯訊明正法後卽

由安溝緊躡賊蹤而進該匪於二十七八等日
復由金牛坪田峪一帶向東北奔逃欲出峪外
擄掠惟時楊遇春李應貴緊顧北面平原由田
峪澇峪而進賊匪聞風不敢北趨復向東遁楊
遇春派令兵勇跟蹤追襲並親赴兩郎一帶設
伏以待該匪將近兩郎探知有兵卽向菜子坪
光頭山南遁

臣

帶兵由四畝地五郎河甘家碾

一帶探蹤截擊該匪知東北西南均有官兵遂
由韭菜坪兩河張九溝翻琵琶嶺漏夜逃竄扎
克塔爾等帶兵由馬蝗溝趕抵兩河探明賊蹤
卽抄出洵陽壩計程二百餘里楊遇春等從西
北之富家河抄截於初二日在腰竹嶺與扎克

塔爾等會合籌商進剿

臣

由青龍塹七佛溝賈

家營顧住西南而進本日師次栗扎坪接據探

報楊遇春扎克塔爾等於初三日合爲一路顧
住東北由楊泗廟趕至鎮安邊界石門溝天色
傍晚前隊官兵追及賊匪該匪奔上山梁抵拒
我軍後隊到齊因山勢陡削馬不能前官弁兵
勇等分爲四路鼓勇進攻鎗箭齊發斃賊數人
并擊斃執旗賊目一名賊勢漸潰我兵搶過山
梁該匪大夥尙敢於半山伏匿官兵等憤恨倍

壩一帶該弁等暗隨賊尾而進知賊衆仍未防
備復乘夜赴賊匪屯劄處所燃燒房屋又殺斃
賊匪四五十人奪獲長矛三十餘桿因賊匪業
已遠竄該弁等卽趕回穆克登布軍營並將所
殺賊匪耳記髮辮呈驗臣查該弁兵等僅二十
餘人遠入川境原係偵探賊蹤乃能連次乘夜
殺賊尙屬奮勉已將該弁兵等酌加獎賞併令

穆克登布仍探川楚兩面賊蹤一經竄近邊界
卽仍趕緊截剿至慶溥一路官兵臣前令其在

九尺壩大古坪一帶扼截苟逆西竄之路昨因

苟逆業已東趨漢南各營卡緊要臣當令率領

原帶兵勇取道漢中赴寧沔邊界元壩子一帶

防堵茲據永明及寧羌文武稟報川境賊匪四

五百人由通南竄至廣元之玉田溪水磨壩一

帶漸近陝境永明因近日在卡患病不能行動
遂派令遊擊宋鉞米章等帶領兵勇千名協同
各卡將備等探蹤截擊乃該匪由中坪鹽井河
石龍埡一帶亡命奔竄於二十四日晚間竄入
寧羌關口壩翻照壁山向西北奔竄副將舒隆
阿在附近之荷葉嶺防堵因所帶兵勇無多該
匪於風雨中由山梁撲下舒隆阿身帶矛傷六

處守備石寶霖亦帶矛傷二處兵勇被賊衝散
亦有傷亡該匪於二十六日由戴家壩竄至漢
王山遊擊米章宋鉞等督飭兵勇追擊殺斃賊
匪十數名生擒七名奪獲長矛十餘桿該匪向
寧羌畧陽交界之兩河口奔逃有西竄陽平關
之勢現據慶成呈報已率領兵勇赴寧廣交界
處所探剿臣查川北一帶現無他股賊匪此次

由南廣一帶闖入陝境之賊自仍係張魏餘氛
被川中官兵追剿緊急亡命奔逃實爲可恨該
匪或由舒隆阿營卡竄過或由他處竄越令慶
成就近確查呈報慶成現帶馬步兵三千餘名
自敷剿辦臣又令慶溥帶領原兵千名前去更
可分投截擊不致深入滋蔓至此股餘匪係勒
保派令遊擊馬績恒慶會同劉清率領兵勇剿

辨劉清所帶祇係本地鄉勇自不能越境窮追
而馬績恒慶等自必隨賊所向與陝境防兵協
力截剿

臣

現又知會慶成慶溥等務須督率各

官兵趕緊攔剿就地掃除勿令深入陝境并不
得竄近甘省再查穆克登布在平利安康一帶
防剿緊要現聞德楞泰業已率領大兵入楚楚
省自可無虞

臣

業已飭令該鎮暫且帶兵照舊

防剿一俟日內將苟逆股匪剿辦得手卽可撤
出兩湖官兵令穆克登布帶令入楚協剿彼時
賽冲阿當已前來接替有人更不致顧彼失此
矣奏入

上命軍機大臣傳諭額勒登保曰苟逆一股與宋李
等逆合夥奔竄在南山之內輾轉多時我兵總未
得手此次額勒登保督飭楊遇春扎克塔爾等分

路抄截四面進兵在鎮安邊界趕上賊匪痛加剿
殺并將半山伏匿之賊奮力衝擊前後殲斃賊匪
一百四十餘名生擒四十一名自賊進山以來此
次畧紓憤恨此時賊勢已形潰敗所辦甚好看來
官軍勝勢已得不日即可殄平現在賊匪奔竄處
所已在秦嶺以南較之嶺北各峪口兵力倍易施
展額勒登保務當督率楊遇春扎克塔爾等鼓勵

官兵相機兜截卽在該處將首夥各逆全數撲滅
勿令再有折竄逃匿旬日之內佇盼捷音至陝省
寧羌地方有川匪四五百人由通廣一帶竄入永
明因患病不能行動派遊擊宋鉞米章帶兵探蹤
截擊其在附近防堵之副將舒隆阿守備石寶霖
聞信後帶兵迎剿各受矛傷賊匪向兩河口奔竄
永明係該處統轄大員賊匪竄越卡隘不能堵截

實有應得之咎著額勒登保查明如寔係事前患病至於不能行動則病勢已重此後亦再難責以防守之事卽應派員更替將伊撤回如竟係事後捏飾則當據實嚴叅從重治罪至副將舒隆阿守備石寶霖曾經帶兵迎剿因兵力無多不能抵禦並曾帶有矛傷其功過尙可相抵其遊擊宋鉞米章二員經永明派往截擊雖尙殺賊數名但不能

欽定剿平三省邪匪方略正編卷三百十二

壬戌年

四月十二日

壬子

惠齡奏言據探報兵勇入林搜

剿劉逆餘匪該匪不能藏匿卽連夜由孝義境

內東趨翠花峪之北河腦一帶

臣

復飛飭總兵

楊芳務須乘勝兜圍搜捕淨盡茲據楊芳稟稱

千總胡文秀等已由庫峪抄至賊前軍功王明

智等亦由甘花石躡追楊芳督兵由北河一帶

策應初三日賊匪探知東面已有官兵卽順北
河腦山梁折回西竄楊芳聞信帶兵迎剿正與
賊遇賊匪一見官兵尙敢恃險擲石抵拒楊芳
催兵直撲向前鎗箭並發賊匪擲石愈緊兵丁
向天倫首先撲入賊夥戮斃賊匪數名被亂石
擊破頭顱陣亡各弁兵一齊擁上賊匪站立不
住折回亂奔道路窄狹賊匪自相擁擠跌落懸

崖者十餘人生擒羅榮宗等五名追過兩重山
梁適軍功王明智等由甘花石溝底兜截前來
順溝橫截由賊匪半腰殺入戮斃賊匪十餘人
將賊匪衝爲兩截一股三十餘人順溝潛奔千
明智等率勇緊追沿途擒斬餘匪僅剩十數人
逃入西甘花石腦老林藏匿一股亦有三十餘
人扒上山梁東竄楊芳督兵追過一重大山正

值千總胡文秀等迎頭截殺前來又殲斃執旗
賊目一名矛手二十餘名生擒三名餘匪十數
人棄械散竄共計擒斬跌斃五六十人奪獲刀
矛旗幟六十六件現在趕緊搜捕不日即可淨
盡復探聞苟宋賊股由寧陝月河向東南奔逃
經畧額勒登保因盤屋寧陝一帶均係老林辦
理棘手是以督率楊遇春札克塔爾等自西北

向東南兜剿現已逼出老林額勒登保及各路
大兵俱緊躡賊蹤日內如得痛剿一兩仗卽可
立就殲除臣復飛催楊芳迅將劉逆餘匪搜捕
完竣卽起往截剿苟宋大股更可協力掃蕩以
期迅速集事至前自寧羌竄過棧西之張魏餘
匪四五百人已竄至戴家壩經總兵永明所派
之遊擊米章宋鉞等追殺殲斃十餘名賊匪繞

竄煎茶舖提督慶成帶兵趕到立斃賊匪二三十人賊匪捨命逃逸我兵追殺一百數十里沿途又殺賊三四十人生擒十一名奪獲騾馬七頭匹餘匪由黑河西溝峽竄入甘省兩當縣屬之元山子一帶經防守甘境之道員朱爾漢遊擊七十九率領兵勇迎擊該匪又遁入元山子老林現在慶成已由留壩回臺于一帶顧住夷

北攔剿不使竄入陝省南山復與苟逆合夥並
派兵入陳倉溝抄截以防該匪深入甘境再

臣

接據探報初三日經畧額勒登保督率札克塔
爾楊遇春等在鎮安縣屬之譚家山趕上苟宋
二逆賊蹤合力衝殺立斃賊匪一百餘人生擒
七十八名賊匪連夜由四海坪奔逃我兵亦連
夜跟追於初四日未刻又在上板房追及復殲

斃賊匪一百餘人賊匪折入南溝潛遁初五日
我兵追及又殺斃賊匪四五十人生擒六十二
名該匪情急復向西北之東峪河一帶狂奔仍
思竄過秦嶺北面潛匿老林以延殘喘現在額
勒登保派令札克塔爾由江口一帶截剿楊遇
春由兩河追殺臣趕赴撈峪一帶堵截日內再
得痛剿即可迅就掃除

同日慶成奏言

臣

前在畧沔將魏張前股賊匪

節次斬擒嗣於三月二十五日於沔邑途次聞

魏張後股賊匪已竄過棧西七里壩卽改由導

嶺溝前進二十七日趕至煎茶舖見該匪在極

險大梁停息率領兵勇一擁衝上賊匪恃險搖

旗放鎗抵敵其內積年戰手較多倍常克悍我

兵直前與賊短刃相接雖有身帶矛石等傷屹

不退避齊力衝撲登時砍倒賊匪二三十名餘
衆翻越崖澗分四五股奔逃

臣

酌撥兵勇窮追

生擒陳彩等十一名被脅民人乘勢逃出者甚

多并奪獲旗幟器械等件該匪仍北竄鳳兩地

方時已戌末日行一百六七十里雨霧交作兵

勇暫紮林邊天色稍霽

臣

督率兵勇緊追前進

永明所派追剿兵勇相離漸遠東南邊防尤關

緊要遂令撤回扼堵并訪問獲賊陳彩等僉供
此股係張添倫魏洪升爲首去年張添倫在四
川受傷不知下落姪子張喜卽與襄陽人魏洪
升康二麻子等同爲元帥雖屢被官兵剿殺又
在老林內外擄掠共有五六百人陳戰手只有
一半馬騾數十匹前在界嶺商量要過陝西或
合大股或趁官兵追剿別股得空過河南地方

去又慮前有營卡後有追兵是以靠著老林行走等供

臣

屢訊各匪皆稱欲過棧東投合苟宋

等夥目下南山內經畧大兵剿辦已有眉目豈可復任此股竄往滋蔓而山路險仄數日來人

馬漸疲

臣

焦急萬分先儘尙堪進行之兵馬連

夜帶赴棧道在留鳳武關廟臺子陳倉溝一帶

扼住要路一面飛飭都司張起鰲守備李郊緒

挑帶兵勇繞出賊前迎頭攔剿並派遊擊李朝
顯帶兵接應本月初三日賊匪數百人探知棧
內有兵遏截繞向兩當地方北奔都司張起鰲
守備李如緒等連夜帶兵趕至鳳兩交界之大
陽山遇賊自未至戌與賊攬殺數次殺斃賊匪
一百餘人生擒五十三名遊擊李朝顯之兵接
續趕到併力衝殺又斃賊三四十人生擒三十

一名剿剩賊匪不足三百人狼狽敗奔西南畧
陽地方老林當將擄掠民人分別釋放其從賊
日久戰手陳彩等六十八名概行正法梟示臣
仍卽鼓勵兵勇乘敗匪退折之際期於就地殄

滅早抒

聖厯均奏入

上命軍機大臣傳諭額勒登保曰惠齡此次奏劉逆

餘匪經楊芳等帶兵迎剿在孝義境內擒斬五六
十八現在餘匪不過二十餘人賊勢垂盡且當官
兵鎗箭並發之時僅能擲石抗拒並無別樣軍械
可見其殘敗已極積年矛手業已剿殺無遺應卽
飭令楊芳等趁勢剿淨勿令稍有遺孽至苟逆等
在山內奔竄輾轉稽誅今經官兵四面轟逼於初
三初四初五等日連得勝仗前後擒斬賊匪已數

百名賊勢更形潰敗現在該匪情急奔竄仍思過
秦嶺北面老林藏匿額勒登保務須督飭楊遇春
扎克塔爾等鼓勵官兵乘勝掩擊就地殲除斷不
可再任折回山內致剿辦又形費手惠齡現赴潯
峪一帶亦著加意防堵勿令旁竄日內如已將苟
逆殲擒卽著加緊馳奏捷音一至佇沛厚恩所有
此次陣亡兵丁向天諭著加恩咨部照外委例賜

卹

上又命軍機大臣傳諭慶成曰此次魏張股匪由寧
羌竄過棧西已入畧陽經慶成督兵上緊抄截至
煎茶舖地方適遇賊匪在極陡山梁停息兵勇一
擁衝上賊匪恃險抵禦矛石齊發我兵屹不退避
併力衝撲登時殺死賊匪數十名生擒戰手十數
名該匪竄蹤北遁復經慶成飛飭都司張起鰲守

備李如緒間道繞出賊前遊擊李朝顯帶兵接應
於鳳兩交界地方奮擊數次各有斬獲殊屬奮勇
可嘉著賞給慶成鑲嵌玉帶頭一塊大荷包一對
小荷包四個又發去玉搬指五個搬指套五個磁
鼻烟壺五個交與慶成分賞此次出力員弁以示
獎勵至此股賊匪被剿情急朕早慮其或思竄過
邊東欲與苟宋合夥是以屢經降旨飭令嚴密防

堵今據慶成奏稱訊問擒獲賊匪所供果有欲投
合苟宋之語現在苟宋股匪業經額勒登保轟至
秦嶺以南連日剿辦屢獲勝仗豈可復令此股竄
往合夥慶成惟當督率兵勇乘此勝勢上緊殲除
固不可使之竄入南山亦不可令其竄入甘省或
折回川境務當在畧陽一帶就地殄滅俟此股辦
竣加緊奏聞捷報到時再將慶成及在事出力將

弁一體加恩

十三日癸丑德楞泰奏言臣於三月二十七日督

兵由漢坪鋪三匯鋪取道界嶺東進二十八日

據總理團寨道府鄭成基等稟報有自後坪竄

至湯家壩賊匪一股約五六百人被委員仇允

誥督率寨首郭志帶領團勇轟擊斃賊三名團

勇亦有傷亡者已飭知委員等實力堵禦查達

勒精阿等在巫大扼辦陝楚鼠匪兵力勁銳

臣

卽飛令帶兵前往迎剿

臣

於初一日翻過界嶺

抄出東馬寨查明此股係黃白號餘匪內有熊

姓劉姓爲首約二千多人馬騾數十匹因聞四

川官兵已過湖北連夜走鋸鋸嶺老山向北逃

奔欲竄過興山找尋前股合夥查鋸鋸山綿長

二百餘里絕無人烟路徑極爲險窄騎馱難行

去秋賽冲阿等追剿龍紹周時曾分派步兵紮入該處險阻備知其出山之處北走房縣之灣腰樹卽至上龕西可通薛家坪而至川之大寧若東北由長嶺逃竄卽係興山之豐玉坪一帶是該逆雖已北逃其趨向尙未定準嗣據興山縣朱宗騰稟報黃蓮坪賊股約有二千餘人被裹者甚多於二十一日圍撲忠餘寨經團勇用

鎗礮擊退翻老林西竄又歸州大水田高家坡
亦有零匪游奕其勢已向東南興歸巴三交界
之處奔竄訊據逃出難民俱係黃藍白三號有
陳張龍冉等姓旗號等情旋又據探報川楚界
上龍潭溝有一起零匪約七八十人在彼滋擾
查該處係在我兵後路先應就近派兵搜捕當
令叅將馬應國張應貴等帶領兵勇連夜探剿

初三日午後趕抵牛廠馬應國等分兵左右兩路直搗龍潭溝賊巢該逆紛紛驚潰官兵鎗擊箭射立斃賊三十餘名生擒陳成明等十四名餘匪向後山亂竄兵勇馳追二十餘里沿途又殺賊二十餘名生擒王有祿等十一名此起賊匪只逃去七八人竄入密箐初四日又探報有零匪一起約四五十人由老林竄出在拜佛坪

屯聚焚擄仍飭全馬應國等就近搜捕殺斃
二十餘人生擒彭忠賢等十三名餘匪盡行滾
巖跌斃並無一名漏網初五日馬應國等帶兵
回營解到兩起獲犯訊據陳成明等供稱係黃
號王國賢餘匪彭忠賢等供稱係白號張姓餘
匪俱係積匪猶賊概予正法適據東路探報黃
蓮坪賊成有一三千人騾馬極多已由興山竄

至歸州之大小峽青灘一帶屯聚臣現擬直向
歸州龔家橋東進向南兜剿如能仰仗

天威兩股併合固可聚而殲旃設或分逃先將大小

峽青灘賊股痛剿則川楚沿江數百里均可一

律肅清萬一被剿入川則有達勒精阿武隆阿

七十五等兵力迎剿臣亦卽緊躡回川務期掃

除似於大局較爲迅速至川楚之王會崔胡戴

樊等逆前已北竄平利之閭陽坪近經穆克登
布截剿同楚折入竹谿查房竹一帶有全保長
齡等三路兵力儘敷剿辦其熊劉二逆現已入
山俟探其趨向再爲酌辦奏入

上命軍機大臣傳諭德楞泰曰本日德楞泰五百里
報至仍係查探東北兩路賊勢酌籌緩急向東兜
剿而於江岸一帶竄匪尙未剿辦其所殲拜佛坪

等處零星散匪共計僅止百餘人且係將弁等搜捕並非德楞泰親往督剿況德楞泰旣知川楚邊界竄匪爲數較多自當速往剿辦乃節次奏報總以山徑險仄爲詞忽稱由水路前往忽改由陸路茫無定見直至此時始至巴東實屬遲緩德楞泰著傳旨申飭現在德楞泰旣向歸州東進剿辦屯聚黃蓮坪之陳張龍冉股匪卽著迅速辦理不可

再有耽延其熊劉二逆此時德楞泰固難分兵兼顧但任其入山潛匿必致裹脅日多德楞泰速將黃蓮坪股匪剿淨以便移師剿辦熊劉股匪所有川楚邊界各股匪俱責成德楞泰一手辦淨况德楞泰一路所帶征兵較多俱係超健勁旅又賽冲阿本應赴陝剿賊因係伊營內帶兵得力之員是以不令前往仍歸德楞泰調遣而現在湖北省所

辦糧餉亦俱來營供支無悞是德楞泰軍營兵精糧足士馬飽騰更何所藉口若再仍前延玩賊匪何時始能剿盡彼時必將德楞泰從重治罪前功盡棄矣勉之凜之至王曾樊戴等逆有長齡孫清元等在彼剿辦此時且無庸德楞泰分心兼顧惟當將邊界各股匪速行辦竣不可任其再有奔竄致干重戾

十四日

甲寅

勒保奏言查各路餘匪每經官兵剿

敗卽分散奔逃賊數愈少賊股愈分當飭各鎮

將帶領官兵四路搜剿

臣

仍暫駐東鄉大成寨

分投督催茲據達斯呼爾岱與副將羅聲臯帶

領官兵向土黃壩樊噲店一路探蹤剿辦所有

前在黃金坪打散之賊分竄老生園化角園等

處經達斯呼爾岱等分投搜捕殺斃賊匪十六

名生擒十一名時已昏暮官兵未能窮搜卽將
活賊查訊內有僞先鋒張學貴係湯思蛟股內
賊目當卽凌遲處死餘犯十名俱係戰手一概
正法又探有賊匪一股約百餘人由泥溪溝鐵
礦壩一帶竄走距楊家壩不遠達斯呼爾岱等
卽帶領兵勇分路由楊家壩抄襲將賊匪圍住
殺斃五十餘名生獲四十六名全股殲擒並無

一名逃逸查訊活賊內有張廷桂一名係首逆
張子聰之子並據指出僞先鋒李開元等十名
其餘俱係戰手當均查訊明確分別正法其張
績一路官兵前次辦完王家坪零匪之後卽移
師爛泥壩探有賊匪六七十人在開縣所屬銀
廠坪竄擾張績當與叅將桂涵都司馬明德傅
廷標等連夜帶兵前進初一日寅刻行抵該處

四面兜圍殺斃賊匪二十餘名生擒四十一名
訊有僞先鋒廖登仁陳文禮二名據供向係徐
添德股內賊目其餘訊出余思有等二十七名
均係戰手又鄧先才等十二名雖係被脅但從
賊日久未便輕縱當卽一併正法又張志林一
路官兵前經臣派往大竹梁山一路搜捕該鎮
行至梁山所屬千工堰地方探有賊匪一股潛

匪該境約二三百人張志林卽於三十日二更發兵黎明行抵該處派兵抄襲斃賊五十餘名生擒三十三名餘匪向萬縣一路逃竄張志林當將活賊解交臣營審辦該鎮仍帶兵緊蹙前進至張魏餘黨顏中考魏洪升等一股殘匪昨經建昌道劉清會同遊擊馬績恒慶等帶領兵勇在貓兒寨地方剿敗後該匪向殷家溝一路

竄走連日該匪被劉清追剿情急亡命向北奔
竄復經豐紳帶兵在木門湯百丈關一路兜截
該匪遂於二十五日由旋馬坪鴛鴦池一帶竄
過寧羌地界適慶成在彼帶兵截剿該匪仍折
回寧廣交界之關壩現在_比一面飛咨額勒登
保惠齡慶成一面知會豐紳如該匪竄入陝境
卽由陝省官兵迎截如折回廣元卽由川省官

兵堵剿諒不日自可殲除惟查川北邊界自廣
元之七盤關至通江之竹峪關道路綿長豐紳
旣在廣元防剿恐不能顧及通巴等處設苟逆
大股賊匪乘間竄入或致顧此失彼臣現又飛
飭田朝貴移師竹峪關一帶一面搜剿通巴境
內零匪並就近鎮住通巴邊境毋任陝匪竄逸
入川如此則川北沿邊有豐紳田朝貴兩路勁

旅防剿可期嚴密

臣

仍督催達斯呼爾岱張續

張志林等搜捕東路各股餘匪亦可期早就肅

清再

臣

查田朝貴一路官兵攻圍張添倫時實

係遊擊王忠桂首先帶兵抄出賊前將賊匪截

住去路官兵方能得手其軍功鄉勇賀天貴伍

得勝包相卿魏其龍張順廖榮六名併力向前

將積年首逆張添倫陳國珠魏學盛等三名同

時殲斃實屬奮勉至劉清一路查得該道擒獲
李彬時尙有軍功鄉勇李仕玉苟文耀王登忠
何成龍徐陞等五名上前衝殺賊匪驚潰奔逃
始能將首逆生致應均懇

恩鼓勵奏入

上命軍機大臣傳諭勒保曰此次達斯呼爾岱督率
官兵在太平境內將張子聰之子張廷桂及僞先

鋒李開元等悉數殲擒其張績一路在開縣地方將徐添德股內餘匪僞先鋒廖登仁陳文禮拿獲此兩路俱能剿淨餘匪並無一名逃逸所辦尙好惟張志林一路所剿梁山境內餘匪雖亦殲斃八十餘名但餘匪尙在萬縣一帶奔竄勒保當飭令該鎮等探蹤追躡務須搜剿淨盡此時川境已無成股之賊均不過零星竄匪爲數無多正當兵盛

賊衰之際勒保應趁此兵力悉數辦淨不可稍留
餘孽至張魏股匪昨已據慶成奏到節次截剿並
於留鳳地方痛加殲擒諒不致竄過棧東惟苟逆
股匪現經額勒登保分遣官兵追蹤擊剿業經轟
出南山恐該逆等被陝省追剿情急復思由棧道
折竄入川勒保務當飭令豐紳田朝貴等嚴密防
範以堵爲剿毋致再令竄入爲要

同日

上諭內閣曰前經降旨令勒保詳查藏擒首逆張添
倫李彬等在事出力人員奏請加恩茲據查明覆
奏其首先抄出賊前之遊擊王忠桂著加恩賞戴
花翎所有軍功鄉勇賀天貴伍得勝包相卿魏其
龍張順廖榮李仕玉苟文耀王登忠何成龍徐陞
等十一名著加恩賞戴藍翎以示鼓勵

同日額勒登保惠齡陸有仁奏言竊_臣等欽奉

諭旨令將寧陝鎮新設兵丁如何分別防剿支領鹽

菜口糧之處會議具奏_臣等伏查南山內屢經賊

擾食物極爲昂貴現當堵剿喫緊之時將弁兵

丁倍嘗艱苦自應量加體恤俾免竭蹶之虞應

請仍照_臣額勒登保前奏將所募新兵挑出六

成爲剿兵酌留四成爲防兵其剿兵照本省剿

捕之例月支鹽菜銀九錢日支米八合三勺仍
給與本營月餉一兩五錢其帶兵搜剿之將弁
亦給與鹽菜口糧以資用度至防兵四成祇係
守禦較之剿兵勞逸懸殊仍均照步兵之例月
給銀一兩九錢以示區別統俟營汛兵房建造
齊全將各兵分別馬步戰守再按例支食俸餉
以上情形臣等往返札商意見相同請

旨遵辦奏入

上從之

惠齡陸有仁又奏言寧陝鎮應建營汛兵房業經經畧額勒登保奏奉

諭旨責成倭什布等分段督辦俟山內一經肅清卽

可興工建造_臣等先已札飭各地方官並各委

員預購料物以期辦理迅速惟上年仰蒙

賞撥經費銀二十萬兩業經

奏明挪爲軍餉之用此時無可挹注伏乞

聖恩俯賜飭撥奏入

上命軍機大臣傳諭顏檢曰現在陝省南山建蓋兵
房需撥帑項前據阿克當阿奏九江關稅銀撥解
二十萬兩赴豫候撥著傳諭顏檢於此項銀兩解
到時卽行轉解陝省交陸有仁收貯支用

十六日丙辰吳熊光奏言竊照楚省王曾樊崔各

逆前經督臣長齡在太平寨司馬崗截剿後該

犯卽向竹谿王家山一路奔竄長齡與孫清元

吉林泰分路追擊前進臣先經飛飭總兵穆克

登布卽在陝境邊界帶兵堵截以收兩面夾擊

之效詎該匪聞知陝境有兵嚴堵遂翻越陡險

山梁向東折竄日夜狂奔由竹山房縣之瓦房

溝平土河扇子壩一帶遁入興山西面大山孫
清元吉林泰追逐前進長齡由北面抄截而東
路之蒲陳冉井等逆因有副將蔣觀濤孫應奉
在東北攔截不敢直前肆竄尙在興歸一帶往
來游奕前奉

諭旨准令德楞泰來楚剿辦刻下楚境各匪已竄聚
興歸一帶德楞泰自西南而來長齡孫清元等

由西北而去正可三面合圍聚而殲洗茲探聞
德楞泰於三月二十七日由巫山縣起程赴楚
自必順道將巴東卡外股匪剿除後即可入境

臣隨飛札知會長齡孫清元等務向西南進逼
以期與川兵兩路夾擊一鼓集事至德楞泰旣
來楚省剿辦事權必須歸一并囑長齡孫清元
等均聽德楞泰調度以便呼應較靈所有打仗

情形亦歸德楞泰就近具奏臣如有所聞亦卽

隨時入

告至

正

前請

飭令穆克登布帶兵來楚會剿今楚省現有德楞泰
前來兵威壯盛當卽飛札穆克登布令其暫緩
再楚省官兵旣經增添糧餉亦當籌備寬裕查
現在宜昌一路存銀六萬餘兩襄陽房縣二處

存銀十萬兩又蒙續撥江西捐監銀十萬兩

臣

業派荆宜施道陳蘭森同知木特布前赴德楞
泰軍營辦理糧務妥爲支應現在撫臣全保遵

旨前赴後路襄陽武昌一帶辦理軍需地方事務

臣

囑令查看司庫如有可動之款酌量籌撥預備

接濟以免臨期周章至兵糧一項前蒙

賞撥截漕米石已全數分運襄郡宜昌等處而後路

亦須預爲籌備查有上年武昌等州縣帶徵元
二兩年初限南米二萬六千五百九十餘石亦
囑全保查明一併撥作軍精趁此夏汛未發之
時由水路分運襄宜以期有備無患再

臣接長

齡來信因探聞王曾各逆折向東竄隨卽回師
抄截二十六日行抵雙竹園地方探聞附近瓦
房溝有大寧縣徐家壩竄來零匪一股約數百

人在彼屯聚未便舍而不剿當派遊擊王占鰲等帶領兵勇於三更時進發長齡同總兵德昌侍衛富翰等帶領馬隊隨後繼進王占鰲等於二十七日黎明行抵該處賊匪正在造飯一見官兵奪路奔逃我兵分頭追殺立時斃賊二十餘名該匪搶上山梁抵死抗拒長齡督率馬隊趕到兩路衝殺又斃賊八十餘名鄉勇首領王

德魁衝入賊隊手刃三賊身受矛傷陣亡千總
趙先貴射中執旗賊目前冒首領王元魁射斃
執旗賊目一名兵勇一齊奮力衝擊賊匪站立
不住紛紛四散潰逃追殺二十餘里沿途又斃
賊六十餘名生擒四十三名奪獲旗幟器械甚
多餘匪遁入苦菜溝老林當提活賊僞先鋒張
連陞查訊據供此股係川陝青黃白各股餘匪

奏合共有四五百人係僞元帥郭勤慎管事並無緊要賊目在內當將該犯全訊出真正牙手十七人一併正法其餘二十六名俱係附近被裹良民發交竹谿縣分別省釋適撫臣全保派往搜捕零匪之守備鄧興相帶勇趕到當卽飭令前赴苦菜溝老林搜捕長齡仍卽飛赴前途抄截王曾大股以期與孫清元等兩路夾擊查

撫臣全保所帶兵勇一千餘名已交總兵李天
林統領卽在竹谿境內搜捕零匪苦菜溝一帶
與川陝毗連山勢深險所匿餘匪不可不全行
撲滅臣卽飭委李天林督率將弁趕緊搜捕俟
一律廓清後再酌量派赴別路協剿奏入

上命軍機大臣傳諭吳熊光曰吳熊光奏楚省曾王
樊崔等逆探知陝境有兵嚴堵遂由竹山房縣之

瓦房溝等處折竄遁入興山西面大山爲苟延殘喘之計與興巴一帶游奕之蒲陳井冉各逆相距不遠現在長齡孫清元蔣觀濤等三路官兵分投追躡叅贊德楞泰又帶領勁兵由川赴楚德楞泰自西南而來長齡孫清元等由西北而去正可三面合圍聚而殲洗吳熊光務當札知長齡等將會王等逆向西南進逼與川省官兵上緊夾擊以期

一鼓集事至德楞泰係叅贊大臣旣已到楚一切
剿辦機宜自應聽彼調度其打仗情形德楞泰亦
必就近奏報但吳熊光係該省總督如探聽各路
官兵得有勝仗殲擒首逆仍當加緊馳奏以慰廑
注再楚省現添德楞泰一路兵勇軍火糧餉自應
早爲籌脩源源運供吳熊光派道員陳蘭森同知
木特布馳赴德楞泰軍營辦理糧務尤應督飭局

員將各處軍需妥爲支應不可稍有缺乏務期同心協力速蕪大功共膺懋賞所有此次衝入賊隊手刃三賊受傷陣亡之鄉勇首領王德魁着咨部賜卹

上又命軍機大臣傳諭全保曰前次剿辦會王等股匪時總兵王懋賞等同時陣亡者十四人全保係統兵大員殊屬失之冒昧但念其尙係奮勉進剿

致有挫損究與畏葸退縮者有間是以不加譴責
令其毋庸帶兵此時全保馳赴後路辦理軍需地
方事務軍火糧餉尤關緊要本日據吳熊光奏宜
昌一路存銀六萬餘兩襄陽房縣二處存銀十萬
兩又谷催續撥江西捐監銀十萬兩解楚雖無缺
乏亦未能充裕若軍糈不敷不妨據實奏請候朕
酌撥楚省剿賊正當喫緊之際所有軍儲一切設

稍有貽誤該撫不能辭其咎矣